

# ROLE OF YOUTH IN PRESBYTERIAN

(Presbyterian Khanglaite Mawhpauakna)

I Seminar Paper thupi sappau a, “Role of Youth in Presbyterian” ahi a, ei pau in “Presbyterian Khanglaite Mawhpauakna/Chiah dan” tihna gual ahi.

Kochuam a Khanglai Puitute chanvo mawhpauakna chuam chuam leh Committee chiah dan tangpite ka hun sulang hi.

## I. CHANVO LEH COMMITTEE CHIEHDAN

### 1. Leader :

Kristrian Khanglai Pawl ah hin Chairman tih sangin Leader tih ahi a, ana sep chu Chairman tawh aki bang chiah ahi. Amah hi Puitu dangte guala khawmpin apiak ahi pua, Presbytery, District aiawh dinga Committee’n apiak sek ahi. Leader hin Committee ah adawi dan changtak a agenloh ding, member tamzawte ngaihdan ala khawmzaw ding ahi. Kochuam chiahdan kalh zawng leh na subuai zawng a thu aum leh puitu dinmun a adin det ding ahi.

### 2. Assistant Leader :

Amah hi Leaderte panpihtu leh zathuaptu ahi. Leader umloh sunga thasang ding tih hiloin bangkim a thuaptu ahi. A thuap hawih chun ipawl (Khanglai) sung hatlo theilo ahi.

### 3. Secretary :

Zia dinmun hi apawimawh khawp mai hi. Neitu chan chang ahi. Committee vaihawmna bawhzuitu leh thu achiah leh ahhunglut zosia hetu pen ahi. I pawl sung hatleh hatlo, hawih leh hawihlo, amah chun ahin akinga pen hi. Bangkim ah Leader tawh kithu hettuah zing apawimawh hi. Agenda ding Committee masangin angaih tuah fel vek ding, chuleh Asst. Secretary mat phatchuam dan lampi ahawlthiam a pawimawh a, na pawimawh awt thak phal ding ahi.

### 4. Assistant Secretary :

Zia hi Secretary umloha athasang tihna ahi puai. Asst. Secretary chu Secretary zathuaptu ahi. Committee kohna siam leh hawp leh thildang dang a mang phachuam sek hi apha.

### 5. Finance Secretary :

Sum lam ah alut leh pawt lam Committee in pha asak dungzuia petheitu ahi. Treasurer a sum lut ding zosia account bu a ani, tha, kum, azat, bang apat hunglut tih azik fel tak leh Treasurer khut in apelut ding ahi. (Lekha ngei in).

### 6. Treasurer :

Sum kawltu ahi a, sum mang leh abit thu ah mawhpauatu pen ahi. Sum muh leh mat tuah Finance Secretary hawh malamin azik ding ahi. Finance Secretary hetpih leh phasakpih loin adawng in, apedawklo ding ahi. A pawimawh ziakin mi ginum leh account neu khat bek ala kawi mi ngei hi thei leh apha.

### 7. Committee Member :

Mipite thasang ahiu a, dinmun hi apawimawh tak zet ahi. Mipite thasanga thu ngaihtuatu leh vaihawmtu ahi tih a hetzing apha.

Committee thupukna bawkzuina a Office Bearerte zathuaptu ahia, apanloh leh bangmah hiltheiloh ahi. Mipite leh Office Bearerte kala palai pawimawh tak ahi a, mi[ite leh O.B. te kipumkhatna suse thei ding zawng in a khawsakloh ding ahi.

## II. COMMITTEE CHIEHDAN :

Committee hin chiehdan anei a, zia chu i hetchian uh apawimawh hi. A chiahdan ihet chetloh ziakin Committee lut zia imat phakloh ziakun, zia chun ipawl sung asuhatlo sek hi. Committee hi pawl thasanga thuneitu pen leh nasemtupen ahi. Ziaziak chun, imawhpuak pawimawh zia hen, damlohna ahihlo chun thulloh ding ahi.

Pawlpi thasang ahi a, pawlpi thiltup leh malakna lam chuam chuam a kul leh mamawh genkhawm ahi a, mani mimal hamphatna ding mei hiloin, pawlpi phatna ding ahi tih het apha. Chun ithu ngaihtuah ingaidan khat gen zawh nunga vel gen kit tei tei chinloh apha, hun la mei mei ahi.

Committee ahin, mahni ngaihndan achieh thakloh leh phun phun, pawlam tianga phunin ka ngaihndan ahi puai tih tei tei hin mipite muannamna atasam sek hi. I ngaihndanlo khat in ahun gen leh na deuh meinei deuh a kalh, mi lungthim natna ding zawng a thu gen apha puai. Member tamzaw phasak chu apha tihpih mei ding ahi. Khuti theilo chu Juda Iskariot gual ahi.

Mimal chungchang igen hi pawlam a genloh apha. Mipite het ding dawh chu Secretary in hun sulang nan ah. Committee memberte hi nadang ale pawimawh tak takte ahih ziakin, hun kipia hi zuih dik tei ding ahi. Ahun taka tung ngeilo vaigei deuh zing hi Pathian thu tawh aki tuak puai.

## III. KOCHUAMAH KHANGLAITE MAWHPUAKNA :

Khristian Khanglai Pawl (KKP) hi kochuam sunga nasepna dangkhat guala ngaih deuh hi in alang a, adiklo deuh ahi, adinmun diktak zawk chu kipawl khawm na ahi. Nidang lai a Presbyterian kochuam hi Khanglaite kochuam tihthei khawpin khanglaite hi kochuam in ala phat chuampih mah mah a, zia hi Pathian leh a kochuamte dingin malsawmna lopi tak ahi. Ahin tulai hin mitamtak chun Khristian Khanglai Pawl guala idin naziak ihemilh hiai hiai gualin alang a akhawk khawp mei hi. Khanglaite mawhpuakna tih hin hih ding leh hihloh ding akawk gel gel a, zia lak a pawimawh diakte gen lang hiti :

### A) . Chiapih dite :

1. Khanglaite hin itheina chin a sep ding ahi.
2. Khanglaite na thupi pen chuh kochuam khanna dinga sep ding genkhawm leh thagau lam kipawlkhawmna guanggalh leh bawh zui ahi.
3. Kochuam nasep suk pitin leh sutzawp hi ihih ding chu ahi.
4. Kochuamin asew zawhlo/senloh sep hi ihih ding ahi.

### B) . Chiehpihloh dite :

1. Dan (Constitution) lam kawka vaihawm leh thu puk hi bawhloh ding ahi. Kochuam vaihawmsa phiat leh kochuam dan kalh zawnga vaihawm hi hihloh ding ahi. Zia gual hin bawl ta leh hin kochuam do hi ding ihi. A hihna sukhalo hi ding ahi.
2. Kochuam puitute el/dek zawng leh kochuam kikhawp ngeina hunte sunawk thei thil (Tehkhinna - Pathianni a Fellowship Pauchap haw ziaka kikhawp suthadah tu ahih chun haihsan apha) bangmah hiloh mei ding ahi. Kochuam in Programme asiam hun a thildang a kisutuah thei ding siamloh ding tih na ahi.

**By - Rev. B. Lalla, Executive Secretary (KSP).**